

Flor. maio, in horto aprili. ♀.—Flores flavi: ligulæ exteriores subtùs violacæ; involucrium caliculatum foliolis discoloribus valdè insigne, exterioribus sub triplò brevioribus subalbidis vel rubescentibus, interioribus omninò virentibus: caulis humilis fructiferus vix 10 cent. altus, vel in plantâ cultâ luxuriante fructiferâ 20 cent. metiens.

A *T. obovato* DC., *palustri* DC., *dente-leonis* Desf. et aliis affinis facillimè dignoscitur: involucri foliolis discoloribus orniculatis exterioribus brevibus subincurvatis erectis, akeniis albissimis, foliis brevibus humo adpressis et caule ascendente vel declinato. Species ex seminibus in horto per plures annos culta constantissima, et ab omnibus distinctissima.

(40) TRAGOPOGON AUSTRALIS. Jord. — *T. porrifolius* auct. gallorum non L. — Pedunculis apice incrassatis, involucri foliolis 8-12 lanceolatis acuminatis glabris *sub anthesi refractis corollâ atro-violacâ plano-convexâ multò longioribus*, akeniis exterioribus griseis costatis à basi exquisitè sursùm tuberculato-scabris, tuberculis laxis subrotundo-obovatis, pappi rufescentis stipite albido apice ferè glabro *akenio paulò longiore* pappo autem breviorè, foliis radicalibus erectis *haud strictis* lineari-acuminatis *undulatis*, caulibus *basi dilatata amplexicaulibus* sæpè apice subtortilibus glabris vel ad axillas araceo-hirsutis, caule erecto sæpè ramoso glabro, radice bienni vel sæpè annuâ.

*Hab.* in collibus herbosis, ad vias et margines agrorum in Galliâ australi, haud infrequens; *Hyères! Toulon! Marseille!* etc.—Flor. maio. ☉ vel ♂.—Flosculi parum numerosi: ligulæ oblongæ truncatæ apice 5 dentibus lanceolatis acutis terminatæ: tubus antheriferus violaceo-nigrescens ad angulos lutescens stylis duplò longior: akenia subæqualiter 10 angulato-costata minutè laxèquè muricata, centralia ferè levia: caulis 3-5 dec. altus.

*Obs.* *T. porrifolius* L. in hortis ad usum culinarium sæpissimè cultus à plantâ gallicâ *toto cælo* differt: capituli sunt duplò majores, sub anthesi planissimi, nunquàm ob involucrium refractum convexi: flosculi numerosiores amœnè lilacino-purpurei, involucri foliola subæquantes: akenia fulva nec grisea, multò latiora, valdè obliqua subarcuata minùs apice attenuata et magis abruptè in pappi stipitem conspicuè breviorè abeuntia; pappus brevior fulvus: folia latiora, stricta haud undulata nunquàm tortilia: caulis robustior, elatior: radix verè biennis nunquàm primo anno caules floriferos edit.

